

Cemût fâ par partî?

1. Cjate une organizazion di riferiment (par esempi Europe Direct-Eurodesk – Comun di Triest)
2. Consulte i dâts dai progjets SVE http://europa.eu/youth/evs_database
3. Sielç i progjets che ti interessin
4. Scrîf une letare di motivazion di pueste par ogni progjet
5. Scrîf il to CV
6. Mande la domande!

Ogni progjet SVE al previôt un acuardi jenfri: volontari, organizazion di riferiment par partî e organizazion di riferiment pal bon acet. Dilunc de permanence tal forest il zovin al varà il su-puart di un Tutor e di un Mentor.



La esperience di aprendiment e ven ricognosude in maniere formâl cul certificât european Youthpass (www.youthpass.eu).

InForma SVE Tour



“InForma SVE/FVG Tour” al è un progjet dal centri di informazion Europe Direct –Eurodesk - Comun di Triest realizât cul supuart de Regjon Friûl Vignesie Julie (L.R. 22.3.12 n° 5).

Chest progjet al previôt di organizâ incuintris informatîfs cul fin di:

- Promovi lis oportunitâts di voluntariât e di mobilitât dai zovins tal forest
- Fâ cognossi il Servizi Volontari European
- Promovi la capacitât di cjatâsi un puest di vore
- Stimolâ il studi e l’aprendiment des lenghis forestis

Il progjet al tocje lis cuatri provinciis e i paîs decentrâts de Regjon FVJ.

Ai incuintris a saran presints esperts, testimonis e ex voluntaris europeans che a àn vivude cheste esperience in maniere direte.

EUROPE DIRECT - EURODESK

Comun di Triest –

Servizi Comunicazione

vie della Procureria 2/a, I - 34121 Triest
tel 040-675.41.41 --- fax 040-675.41.42
europedirect@comune.trieste.it
www.retecivica.trieste.it/eud

Facebook: **InForma SVE/FVG Tour**



comune di trieste



SERVIZI VOLONTARI EUROPEAN

Une esperience che e cambie la vite!



Devente volontari european!

Ce isal il Servizi Volontari European?

Il Servizi Volontari European (SVE) al è une azion dal Program comunitari "Erasmus+" (fin ai 31/12/2013 al jere dentri tal Program "Gioventù In Azione").

Il SVE al è une esperience di mobilitât e di volontariât a tiermin lunc pai zovins.



Cuâi sono i obietîfs dal SVE?

- Promovi la solidarietât e la tolerance tra i zovins, cul fin di rinfuarcî la coesion sociâl te Union Europeane.
- Favorî la comprension jenfri i zovins di Paîs di-viers.
- Promovi la citadinance ative dai zovins in gjenêrâl, e in particulâr la lôr citadinance europeane.



Cui puedial partecipâ al Servizi Volontari European?

Al baste vê jenfri i 17 e i 30 agns e jessi residents dal pont di viste legâl intun dai paîs che a fasin part dal Program.

La nazionalitât, il nivel di formazion e la divignince sociâl no àn nissune impuartance: il SVE al è viert a ducj!

Ce fâ?

I zovins a davuelzin ativitât di volontariât in diviers setôrs o areis di intervent: culture, zoventût, sport, assistance sociâl, patrimoni culturâl, art, timp libar, protezion civîl, ambient, disvilup cooperatîf, e v.i.



Dulà?

Si pues sielzi un progjet intun dai 28 paîs de Union Europeane, tai paîs che a fasin part dal Program e tai paîs partner che a àn firmât acuardis cu la Union Europeane pal setôr dai zovins.

Cun Zenâr 2014 il gnûf Program european a supuart de istruzion, de formazion, de zoventût e dal sport si clame **Erasmus+** (www.erasmusplus.it)
Par inglês il sît uficiâl al è : http://ec.europa.eu/education/erasmus-for-all/index_en.htm



Trop durial?

Un progjet SVE al pues durâ di 2 a 12 mês.

Trop costial?

Cui che al partis cul SVE in pratiche nol à di preocupâsi di nuie: il finanziament european al cuvierç il viaç (rimbors daûr de lontanance), il mangjâ, il durmî, la assicurazion sanitarie, un supuart linguistic e un contribût fis al mês.

Cuâi sono i vantaçs?

Discuvierzi altris culturis, paîs e lenghis. Fâ amicizis gnovis e miorâ lis abilitâts linguistichis. Cjapâ sù competencis personâls, educativis e professionâls par mieç dal aprendiment no formâl.

